

մուտքն՝ լիով անթերի կու տամք, և աղէկ սրտով կ'ուղարկաւորեմք: Չեր հրամանեղ այլ մեր ազգիս որ ի հօս եմք բնակեալ՝ մէկ բարութիւն արէք, որ անջինջ յիշատակ մնայ ի միջի մերում. որպէս զքաջ հովիւ զհօտդ արածէ, և զմեր կեր՝ զայլու մի տար. որ յանաչառ ատենին ասես, թէ Ահա ես և մանկունք իմ: Եւ այդ բաւէ աստուածիմաստ և խոհեմամիտ անձանցդ:

Ողջ լերուք ի Տէր յամենայն ժամ, վասն մեր:

Գրեցաւ քարտէզս ի յաշխարհս Իլախաց ի քաղաքս Իլով, ըստ ի մեզ մարդեղութեանն Քրիստոսի՝ ՌՇՀԲ ամի, և ի մերում յարեղական տումարի ի յորեւիին և ԻԱ աւելի,² յամսեանն ապրիլի Հոովմայեցոց ամսի, ԺԵ համարի յօրն: Չեռամբ թերավարժ զըչի Ի. Բ. Գ. Ժ. Ի. Բ. (?)

Ը.

ԹՈՒՂԹ ԱՍՏՈՒԱՆԱՏԻՈՅ ՊԱՏԻԱՐԹԻ Ի ԼԵՀՍ

Վասն Երուսաղեմի և Վասն Լռսոյն. Երուսաղեմի. 1589.



ԻՏէր Աստուածատուր վարդապետէ և պատրիարզ Կոստանդնուպօլսի մայրաքաղաքի աթոռակալէ, և Երուսաղեմայ Քրիստոսի գերեզմանին լուսարար Տէր Սամուէլ եպիսկոպոսէ. Սիրով Աստուած Սուրբ Հոգոյն ժամանեալ հասցէ ողջոյն և խաղաղութիւն և առաքելական աւրհնութիւն, ի յամէնաւրհնեալ, և յաստուածապաշ երկիրն Իլախաց. ի Լոմբ և ի Կամէնիցն և յայլ ամենայն թէմն իւր առ հասարակ. ի Քրիստոս Աստուած հաւատարիմ՝ ըստ հոգոյ յոյժ սիրեցեալ ցանկալի և փափաքելի պարծանաց որդոցդ. Նախ և առաջին, Տէր Գալուստ եպիսկոպոսին, և քահանայիցն և երեսփոխաներուն, և տանուտէրացն, հաւասար մեծի և փոքու, մեծաւ փափաքմամբ ի շնորհացն Քրիստոսի, աղօթիւք Սրբոյն Գրիգորի Լուսաւորչին մերոյ, կարողութեամբն Աստուծոյ Հօր, ի ձեռն Հոգոյն Սրբոյ, առաքեմք ողջոյն սիրոյ ի մէնջ և աւրհնութիւն առաքելական:

Գիտութիւն լիցի ձեզ ամենեցուն, սիրելի որդիք մեր ի Քրիստոս, զի ըստ

1. Մեր կերակուրն, մեր ուտելիքն:

2. Այսինքն ՌԻԱ Հայոց, 1572: